

新昌縣志卷之一

知縣田瑄纂



建置志 沿革 城池 公署 郵舖 教場

倉 養濟院

自秦罷侯置守郡縣天下歷代因之其制蓋不可易云然時異勢殊建置不一或合之或離之不可盡攷我

朝統一寰寓經畫周詳誠足為萬世永賴也其可畧諸志建置

沿革粵昔新昌未縣其地在夏周則統於揚州在

新昌縣志卷之一

春秋則屬於越國秦罷侯置守屬會稽郡歷漢而晉而唐或為郡或為州更改不常而地屬如故為剡東鄙剡即嵎舊名也梁開平二年吳越王錢鏐始析剡東鄙十三鄉縣新昌治石牛鎮錢鏐以越為東都歷後唐晉漢周皆沿之宋太平興國中錢俶納土改東都為越州縣仍隸焉宋紹興中陞越州為紹興府屬府元改府為紹興路屬路

皇明復改為紹興府屬府始新昌戶不能四千名為縈縣後乃戶幾萬矣即為望縣今為浙東名

邑云

按舊誌及一統誌會稽誌俱載新昌割剡東鄙爲縣而今說者類云割台分剡以成

之蓋據天台縣誌及尚書何鑑議改南糧奏疏而言也未詳孰是姑兩存之以俟博覽者攷焉

城池嘗考會稽郡志新昌舊有土城高二丈厚一

丈二尺周十里久廢無攷惟迎恩鎮東候僊共仁四門名存而已竊疑東堤舊址首起龍山尾接北鎮其蹟畧如城制意舊志所云或指此耳城郭未建防守可虞弘治十八年知縣姚隆始築洞門於祥溪廟右而宋知縣林安宅趙時佺嘗相繼築東堤以捍水患嗣而洪水爲災堤屢齧漂民居守土者各以時脩築至嘉靖三十一

年倭夷猖獗民無守計知縣萬鵬始相時審勢首議築城民多憚于力役時尚書呂光洵適丁外艱力主其議於當道處贊成之而贈尚書潘日升參議俞則全相與協謀願爲諸士民倡鵬聞之喜遂排群議躬督責匝月告成民賴之以按堵云其城制長一千三百七十四丈有奇高一丈七尺濶二丈四尺周圍凡六里城門四東曰應台西曰通會南曰仰山北曰濟川城上爲女牆爲窩鋪門上爲譙樓門外爲子城內外馬路各一丈有奇自東抵北自北抵西皆引溪爲

池而西南則面山焉是役也不惟可以禦外侮

柳可以固東堤其德於新昌也大哉明尚書呂光洵撰碑

○洵讀會稽志新昌蓋剡之東境梁開平間析

其十三鄉為縣以其創建也因名新云縣舊有

城記稱周十里高十尺厚十有二尺元末城廢

建我朝乃更新令甲而議不及城蓋天下之

平久矣聖德丕冒守在四夷况疆域之內耶

縣所治地東瀕海西帶剡江內有崇岡峭壁絕

壑叢林之險而魚鹽負販之徒相競逐競而不

遂即叫囂橫暴此其故俗也頃者劇盜起海隅

入剡台寧台寧不能禦鋒刃接于新昌新昌之

民盡震空其縣走山谷即官師亦離次而匿矣

於是武進萬侯鵬衝命在道聞警亟馳抵縣

乃召其父老拊循之其父老率子弟伏庭下曰

惟侯令侯乃簡其壯銳授以利器日校於演武

之亭聲聞遠近盜驚懾不敢近吾縣吾縣按堵

晏然矣侯乃召吾耆老黎庶而告之曰新昌故

巖邑也羣盜所窺前日僥倖脫虎口其可恃以

久遠耶吾為爾計必依險而城城固乃可守可

守乃可居父老曰唯侯令侯乃具狀白于巡撫

吏部尚書石橋潘公廣西叅議三泉俞公又以

公巡按王泉趙公胡公持其議未下詔于趙公

趙公曰新昌瀕海盜起而無城是弃民也宜亟

下其議議下侯乃大集士庶度地相基計工量

費取石於南山購材於四境詎日以致工工始

自東隅循南山之麓而西跨澗而北又溯溪而

東計周一千三百七十四丈九尺高一丈八尺

厚一丈七尺表裏俱石而實以土礫蓋極其堅

緻云城東故有捍水石堤城附于堤堤愈堅城

愈壯既銷外侮又禦橫流居者安堵過者竦望

觀觀者革心真千百載不磨之偉績也迨今十

有餘年而吾民頌功之碑尚未有詞竹山田公

一心一德民用誠和士用祗式乃授簡于洵界

道敷前政之休洵惟設險以守國莫大乎城宜

時以集事莫先乎得人是故文王之聖也有西

夷之難則城于朔方而以南仲宣王之賢也有

諸侯之患則城于東方而以仲山甫二臣之賢有

際明良之會竭萬葉之誠業懋功成詩人誄之其所揚厲遠矣今萬侯筮仕吾邑下車即履民瘼任重而慮遠集思廣益夙夜殷勤不數月遂底丕績無忝前賢矣而時勢之艱屯殆過之非庸敏剛毅為德為民永底一心者孰能與于斯洵寡昧未能敷張盛美竊比詩人有愧焉詩曰在昔有夏越維南邦逮于有唐邑我新昌維邑奕奕南邦之望元季勞泯墜其紀綱維皇肇運守在尚荒時維宣父載樂載康康樂未央乃有狡狂滄滄泚泚弄兵于潢戕台踐越窺我疆場疆場弗慎黎庶奔亡謦謦萬侯弗驚弗惶戎我民士城惟鉅防維我民士祇役皇皇維侯詢謀厥謀用臧乃相舊止舊止靡常乃卜新廛新廛集祥民士丕作勿亟勿忘夙夜于工翕翕驥驥勞之來之誦聲琅琅董之攻之伐鼓鏜鏜斯維斯垣允矣金湯維民居之樂只徜徉謦謦萬侯令譽孔彰田侯翼翼于萬有光擢其文德弗弛弗張維文燁燁惟德洋洋勤茲貞石永世無疆○明禮部尚書兼翰林院學士潘晟撰新城記惟我

新昌縣志卷之一

皇祖定神京制四裔在東南尤嚴於島夷故沿海諸郡邑連城百雉稱金湯雄固獨內地差禍小者則多建治而不城二百年來而閭閻外戶多究屏息有司僅置樵鼓守籬垣而閭閻外戶多不閉即吾新昌亦然蓋不知有假於城也自嘉靖壬子島夷匪茹焚掠台温沿海諸郡縣蹂踐無虛日歲丙辰有窮寇為戚元帥所窘乃自台取道徑敝邑直走蠡城邑令萬侯聚兵力拒之莫能得邑民驚怖棄輜重走匿藪澤賊遂縱火焚燒廬舍殺傷百十餘人越數日始寧而余邑岌岌稱殆矣夫謀於萬侯請城之侯乃毅然身任其事下令民茂肯應者侯置其魁於獄而衆議尚洵洵公又為侯請於督撫大夫登臺使者議遣按察官一人嚴檄馳諭羣囂始定乃周爰相度地勢東抵龍頭山西抵舊郊扉南澗北谿延袤雖僅三里計費頗不貲時公帑靡羨金督撫以軍興莫能佐必歛民間錢乃可而饒濟不相假也侯乃聃其戶賦為重輕饒者輸財貧者輸力各聽其便惟北枕大溪砂礫洧洧三隅功

倍衆苦難之時先太史公與沃洲公暨鄉之有位者議請爲民望畫地三分身任之以是人心感悅咸樂於趨事伐石炊陶運鍾操杵面斃文石中實以瑰礧而堅築之侯復日夕巡行壺漿慰勞程其工拙不少借踰故百度值規庶工輸巧其結隅嬰堞若砌鱗鏤甲附合䟽離畧無鈞心闢角痕迹洞啓四門冠以巍閣翬飛鳥革尤爲壯觀自余遊歷所覩記殆與丹陽石頭江夏黃鵠庶幾乎媲美矣是役也議昉于嘉靖丙辰落成于丁巳不替年費廉而工倍萬侯真苦心戮先是侯走書屬余文以記其事無何侯竟以勞瘁余亦留滯周南遂因循廢閣殆二紀餘矣歲甲戌田侯蒞茲土睹河洛思禹功喟然嘆曰職來晚雖不能運甃從諸公後而使先美弗敗任民事者之羞也即琢片言堅諸中郭乃爲萬侯申前請以表章之余因念萬侯築斯城以庇吾新人也其功烈矣顧城成而侯隨以沒凡侯所欲設備張維以爲千萬年城守計者固有志而惜未之遠也思患預防不無有俟於君子矣夫邑之有城猶室之有垣也綢繆牖戶稱完室

新昌縣志卷之一

矣而家無積貯人鮮闢志則徒四壁立爾閱墻外侮誰其禦之雖欲稱爲安宅也可乎神農之教曰有石城十仞湯池百步帶甲百萬而無粟不能守也又曰衆心成城故晉陽以衆附而完睢陽以食誦而困是民固爲邦本而食又民之天也守土者惟實倉廩敦信義而已矣萬侯已積粟數千石茲田侯繼之賍贖無他糜更積至萬石有奇而沉毅介潔令出不移惟務燠休其民不謀旦夕赫赫之譽以故新人無遠近老稚惟侯是德咸懷親上效死之心則所以徹桑土而戒衣衾以代終于萬侯焉斯城千萬年利者又不但於版築之助已也余固重爲萬侯幸又因附述之以示勸于來者若督造助貲凡有裨于斯城者其名氏例得附于碑陰云○邑人呂光化曰周時新昌爲越國荒徽台溫則闕中地秦置剡邑於越東鄙台溫時爲章安二縣土曠人稀山川險阻不相往來而剡地山林深密沃罕及焉故晉時避亂若戴遠諸公多居天姥沃洲間時語曰兩火一刃可以邀蓋指此也孫恩之亂蔓延海濱邑以遠獲免劉宋謝靈運爲永

嘉太守鑿山開道剗始與台通嗣是兵寇出入多  
由于茲而邑屢罹禍亂矣元既混一慮華人反側  
多設戍兵于邑西置鎮守軍營以百戶領之又設  
縣尉尉吏各一員弓兵三十人兩巡檢司各設官  
吏弓兵六十人然法令偏縱軍橫虐民而嘯聚之  
衆為邑患者不可勝紀元末大亂羣雄竊據我  
朝龍興始平定之歷代昇平民間不聞金革之警至  
嘉靖乙卯島夷入我邑居時城守未設民無固志  
邑侯萬公始謀築城經畫周備堅緻為他邑最但  
城東南逼山城中少蓄民不嫻武事草竊戎可安  
守一有大盜至不能無杞人之憂矣邑侯田公凡  
城圍少有虧隙隨加脩葺創義倉廣儲積時閱民  
兵較武藝浚渠均水以裕居民遠猷石畫無非久  
安保障之圖使後之長斯土者常懷此心新民其  
有永賴矣乎○田瑄曰城守之可虞也呂氏言之  
詳矣然亦有限於時勢力之未逮者焉欲為久  
遠計必須於城之東南隅改築於書案山上而於  
南西一帶浚深渠以達於大溪底可以遠矢石而  
遇衝突斯其為金湯之固而予之有志未逮者也  
後之君子能繼而為之其利於邑也豈小補哉

新昌縣志卷之一

**公署**縣衙在五山鄉南明山後即石牛鎮錢鏐王

開設宋太平興國中知縣張公良創立治所宣

和三年燬於方臘紹興十三年知縣林安宅重

建元至元二十六年燬於楊震龍二十八年知

縣完顏復建至正末燬於方國珎明洪武元年

知縣周文祥又鼎新之其規制中焉

**公廳**即中王畿題名碑記我開曰民生有欲無主

乃亂天之立君所以為民也守令者親民之  
官有君道焉縣令於民為最親親之也者親之  
也非徒刑威之懲督政務之糾紛固將佐理承  
化平民之欲遏惡揚善以順天命也古之人以  
天地萬物為一體視天下之民如父母之於子  
喘息呼吸氣相為通思民之饑溺猶己之饑溺  
一夫不獲其所若已推而納諸溝中自任以天

下之重如此非意之也同體之仁本與天地萬物而為一也自此義不明世之言治者議政而不及化下焉者議刑而不及政甚至恣其淫虐煩刑以逞使民無所措其手足而一體之義亡矣天之所以立君之意與吾人父母斯民之責固若是也乎哉新昌縣之設肇於五代梁開平時分台割剡處於台剡之墟谿山環麗其俗似朴而文地氣使然也自設縣以來為令者凡幾姓名未有紀述湯無考鏡識者病之蕭君敏道自幼有志於古人之學以進士起家來令茲邑能以文學飾吏治始下車罷諸供侍期會條約與民更始刑無妄施獄無濫繫期年而政行化達乃備舉缺典訪諸耆舊考諸冊牘徵諸廨宇題識得其所可見者自國初周君而下勒石以紀用示勸戒以予為同志若有所聞乞言於予道其所以勸戒以予為同志若有所聞乞言於予而無耻道之以孔氏有言道之以政齊之以刑民免而習之視為迂儒之常談特未之思耳夫政刑者輔治之具德者出治之本而禮者興化之基也免而無耻者欲念未忘畏於迹而違於心也

新昌縣志卷之一

有耻而格者由中之化出於刑政之外不待糾懲而欲自平也條貫本末功效淺深古人經世之大法要無以易此者耻之於人大矣所欲有甚於生所惡有甚於死簞食豆羹生死之介嚙蹴而與之行道乞人有所不屑而受此豈有所為而為也哉是乃羞惡之本心克之則可進於聖賢不能克之則將入於禽獸故君子導民莫先於與其耻心此善惡之幾治亂之原天命存亡之所由決也舊令所紀予之及知者若終君之和毅宋君之裕博曹君之精敏政修刑慎要皆幹局之良進而入於化則未可知也蕭君素有志於學即其經綸措注章章如是而出之有本殆幾於化矣予常遊南明歷天姥得觀絃歌之俗與之語一體之學信而受之方津津然進而未已足未可量也夫平民之欲莫先於自平其欲格民之心莫先於自格其心所藏不恕而能喻諸人者未之有也明道云視民如傷畿平生愧此四字此經綸之本一體之實學望道未見之心也蕭君終勉聽前為露臺後為穿堂有之哉固特以勸也

愛竹堂廢碑存

山陰御史薛綱記

後為龍亭庫夾以兩

楹堂左為幕廳

三間右為耳房庫

知縣田瑄重脩

南為戒

石亭

有黃廷堅石刻

東西兩旁各為吏廊

二間

戒石亭

南為儀門

三間

儀門兩旁為阜隸房門之外東上

為土地祠

一間田瑄修

東下為迎賓館

一間知縣張汝楠建

西

上為縣監

七間

監前為思善亭

一間田瑄建

直南為大

門門之上為譙樓

五間

門之外東為旌善亭西為

申明亭

各一間

亭之下為榜廊

二間

大門正南為屏

牆儀門內東向北轉有直街迤西中為知縣衙

有門有廳有寢

各三間

有廂

六間

舊有畫簾閣凝香

新昌縣志卷之一

八

閣今無存其地頗湫隘知縣涂相改東縣丞衙

為正衙居之外門西向入門迤南為小書房

左右翼房

各二間

北入為二門左右為小丹墀樹

以二栢中為小甬道上為小公堂

三間

又內為墻

為門為路亭又進為寢堂中有小廳兩房各有

護房

二間

其舊知縣衙改為縣丞衙右為主簿衙

今正衙南為典史衙儀門內西向北轉為吏舍

廢一十二間又

官宇墻圍凡二百六十六丈而圍

二院司於左右縣治東連墻三十餘步為

察院周圍七十四丈四尺縣西連墻二十步為



布政司周圍五十四丈一尺二司各正廳三間後堂三間穿堂一間東西廂房六間廚房三間儀門一座正門三間

知縣周文祥建毛鷄黃著李楫田瑄重脩

又西三百餘步為公館今改

按察司廳堂厨寢廂房儀門制如院司正門獨偏狹周圍五十餘丈縣東司舊為學宮知縣林安宅改遷于縣之東南隅其規制具載學校志中縣西一百餘步為

城隍廟東北一里孫塘園為

邑厲壇嘉靖三十七年縣丞唐濟美讓地改徙城

新昌縣志卷之一

九

外西北一里而各都舊有鄉厲壇三十二所今皆廢而併入於邑厲其外百步許為

社稷壇舊

風雲雷雨山川壇在城南後徙於東南二里公塘廟其禮制俱述祀典條內縣東五十里為

接台公館在天姥寺之傍內有官廳左右官房二

間外為儀門大門周圍二百二丈

毛鷄建

東門外

有迎春亭舊志載縣治東有稅場酒務東四十

里有爽心軒西有尉司有稅務樓店務馬院驛

料庫錢庫有稅課局惠民藥局醫學陰陽學西

三里有迎恩館石城館西五里有安樂堂南五里有僧會司南六十里有彩烟巡檢司豐樂善政巡檢司縣北一里有鎮軍營今皆無存而知縣田瑄於二十都柘溪新建迎送亭一所先知縣蕭敏道於黃泥橋建官亭二間存焉

郵舖舊志載縣治西百餘步有南明驛東南五十里有天姥驛東六十里有皇渡驛今皆無存其舖遞則縣治西與公館連牆為市西舖西十里為三溪舖東十里為柘溪舖又十里為小石佛舖又十里為赤土舖又十里為班竹舖又十里

為會墅舖又十里為冷水舖又十里為關嶺舖各為屋三楹旁列兩廂中建一亭繚以周垣外門榜曰某舖各設司兵以急遞焉周文祥建毛鷄李揖重脩教場舊教場在西門內北鎮廟前隆慶六年知縣謝廷試徙於北門外知縣田瑄置地增拓之建閱武廳三楹周圍甃以石橫一十丈三尺直三十八丈四尺

倉預備倉在縣治西墻垣深二十四丈廣一十丈五尺官廳三間廡屋九間際留倉舊在縣儀門外知縣田瑄以為不便於民合併於預備倉舊

志載倉凡五處一在縣治一在廿三都沃洲一  
在十七都皇渡一在六都梅渚一在三十三都  
胡卜以納鄉輸每倉編審大戶守之民以委輸  
不便火盜交侵或累賠賸故尚書何鑑議令知  
縣姚隆請于巡撫王公合併于預備倉民咸便  
之萬曆五年知縣田瑄奉督撫部院徐公檄勸  
民捐田穀備賑

**義倉**一間附于預備倉以貯租穀邑尚書呂光

洵捐田壹拾畝年納租穀壹拾伍石

一坵一畝五分五厘六毫土名結墩  
百二十五號礮田一坵二畝四分二厘五毫土

新昌縣志卷之一

十一

名門前○勾字七十一號礮田一坵一畝九分  
二厘土名下牛令坂○勾字一百七十二號礮  
田一坵一畝五分六厘二毫土名坑邊○勾字  
二百五十一號礮田一坵一畝一分七厘土名  
腰帶○聶字一百三十九號寺田一坵一畝三  
分四厘九毫土名前梁已上俱坐三十八九都

民人陳大順捐田貳拾畝零年納租穀貳拾石

聶字二百九號天田一坵一畝九分○聶字二百十  
號天田一坵二畝四分九厘一毫○聶字二百  
十一號天田一坵一畝一分九厘七毫○聶字  
二百十二號天田一坵一畝五分○聶字二百十三  
號天田一坵一畝二分九厘九毫○聶字二百  
十七號天田一坵一畝七分六厘七毫○聶字二百  
十八號天田一坵一畝七分六厘四毫○聶字二百  
二十三號天田一坵一畝四分六厘五毫○聶  
字二百三十四號天田一坵八分俱土名東坂  
○聶字二百三十九號天田一坵一畝一厘五  
毫○聶字二百四十九號天田一坵一畝八分五  
厘三毫俱土名九坵○聶字二百六十一號析

分天田二畝土名橫坵○聶字二百四十六號  
天田一坵二畝二分土名薄刀坵○聶字二百  
六十二號塘田一坵一畝二分七厘土名橫坵  
○聶字二百六十三號塘田三坵一畝九分四  
厘二毫土名向山坵俱坐三十八  
九都已上田俱萬曆六年收租起 又陳大順陶  
文光各捐穀壹百石陳應壁陳應賜各捐穀伍  
拾石充馬

**養濟院**舊在縣西文昌坊後徙於城西一里中為

廳一間左右為房周圍六十二丈

曹天憲建**義塚**西

建置總論

論曰余觀於古今興建蓋為慮深遠哉天生  
民而立之君不能以自治也而張官置吏使

新昌縣志卷之一

十一

奔奏焉官若吏露而出治不可以法象民也  
故為之厚垣墻崇堂宇居處而廬旅之地邑  
民居參相得也而置郵蓋藏武衛之屬亦井  
井備焉非欲守土者安其身以保民與嗟夫  
不一勞者不永逸茹其實者庇其根享有邑  
居者於繹思